

神
策
經

C40
4514
(78-79)



C40-4514



B 64853

灌頂梵天神策經

出佛說大灌頂神咒經第十
南北二藏俱在恭字函

東晉西域三藏帛尸梨蜜多羅譯



聞如是一時佛在因沙崛山中與千二百五十比丘
俱菩薩三萬人佛爲天龍八部說法人民鬼神各隨
業緣得道不同說法既竟於是梵王從座而起長跪
合掌而白佛言世尊我於衆生有微因緣多歸依者
又見人民悉受苦惱心中疑惑不能決可今欲承佛
威神之力出梵結願一百偈頌以爲神策唯願世尊
許可此事復作是言我常見諸異道輩九十五種各

有雜術爲人決疑而今世尊正覺最上更無此法是
故啓問唯願聽許

佛言梵王善哉善哉汝能爲未來五濁惡世像法衆
生多諸疑惑信邪倒見不識真正汝旣慈悲欲爲說
者佳也梵王我助汝喜善也梵王隨意演說梵王聞
佛讚歎策經歡喜踊躍卽於衆中語四輩言今我梵
王承佛威神演說上經一百偈頌以示萬姓決了狐
疑知人吉凶今以此偈而說卦曰

若聞佛咒法 百魅皆消形 舍宅得安隱

縣官不橫生 迴向無上道 梵天常相營

仕官得高遷 世世獲佳名 右第一卦

旣能有好志 不能卒其本 供養不專一

功德日減損 前行已不善 改更亦不晚

今悉令吉利 祿位自然反 右第二卦

先身無福慶 是故墮罪中 不信於三寶

輕笑慢世雄 現世獲苦惱 從此致命終

積罪如山丘 業報眞無窮 右第三卦

若欲覓福祐 懺謝燒衆香 帝釋常扶助

所向皆吉祥 疫毒自消除 至終無遺殃

世世享其福 生得昇天堂 右第 四卦

恐此事不成 終為人所發 喪死非一人

哭泣彌年月 魔邪之所作 遂便從此沒

若能念三寶 更得無遺穢 右第 五卦

汝常好情性 何故生怨惡 輕笑於沙門

謂之如寄託 世世得其報 終為邪所掠

出道逢官家 恒為吏所縛 右第 六卦

念汝少孤苦 矜弊在道門 正心和順

勿令他生怨 報心無虧盈 祿位加子孫

安隱無疾病 當知梵天恩 右第 七卦

既已墮罪中 又以罪悞人 殃注相連結

皆是宿世因 可共修正行 專意習精勤

保此得解脫 遠離地獄身 右第 八卦

不欲行仁義 欺詐常為先 若入江海中

逢風不得前 縱逸隨流浪 風波覆其船

沉溺在水中 性命豈得全 右第 九卦

既有佳善心 又有好名祿 修於諸正行

神身結

中卷經

世世蒙其福 安隱而無爲 親友亦歡穆

發願無不果 所求皆應速 右第十卦

若欲遠治生 求覓諸財寶 莫行不善心

中路見不好 專心念於佛 疾得無上道

世世獲果報 安隱壽得老 右第十卦

貢高作魔師 教人殺衆生 苦報既無窮

一到入幽冥 邪鬼不能祐 禍橫百端生

可歸於三寶 能拔罪苦名 右第十卦

一子行五逆 爲汝作禍殃 劫奪人財物

離散失骨骸 當在空野中 枯露不得埋

世世不見好 地獄中徘徊 右第十卦

已能有好心 便宜盡其功 何爲寂寞佳

徒勞守於空 若必成其願 受報亦無窮

世世所生處 常在天人中 右第十卦

所遇皆不好 每每不從意 此是心不淨

故與如斯事 不肯悔其過 將欲求何冀

若能盡心持 祿宦自然至 右第十卦

每見不良人 事事皆悉好 恐是罪未至

此榮非長保 一報墮地獄 出入生憂惱

世間愚劣人 意謂當至老 右第十 六卦

一身既獲好 親友亦欣欣 常見梵釋衆

與之爲等隣 意業亦滋茂 道心亦日新

萬物皆有報 豈不習精勤 右第十 七卦

遂爲賊所得 剝奪失珍寶 奉法莫進退

如是致不好 從今可更改 崇敬於三寶

魔邪皆馳散 衆魅不能惱 右第十 八卦

汝昔有慈悲 割口飯賤人 羸老得救命

色方具足鮮 愍念衆生故 濟物常在貧

尋得歡樂報 當在明年春 右第十 九卦

奉法不堅意 迷惑信魔邪 邪見殺衆生

百魅皆得祠 墮罪入地獄 億劫無出時

悔過於三寶 解脫無狐疑 右第十二 十卦

汝欲居此宅 大凶不可止 子孫多零落

災火四面起 每每見不好 牛犢悉瘦死

梵天語汝實 移可安隱耳 右第十二 十一卦

其福何炯炯 乃致於鳳凰 麒麟爲汝感

聖王亦來翔 一難有世無雙 諸天散華香

得報獲其功 百事皆吉祥 右第二 十二卦

造心既不清 梵天所不護 出門逢毒狼

坐自生禍故 大小互相向 晝夜懷荒怖

何不奉正真 自獲安隱度 右第二 十三卦

等心施於人 獲報無窮已 相與種福田

減割於自己 慳悋懷貪惜 坐守財物死

布施持淨戒 世世從緣起 右第二 十四卦

汝有往福田 後便致富貴 令現人所敬

德行亦鬱鬱 叶韻 高顯而無比 衆中之大師 叶韻

壽命亦延長 衆聖爲等類 右第二 十五卦

汝雖有廣慮 不知念無常 作善得其福

作惡得其殃 禮拜向三寶 供養散華香

釋梵相擁護 萬事皆吉祥 右第二 十六卦

是人福力多 每每蒙神護 所求自如意

無不安隱度 必無他險難 名聞亦流布

釋梵口所說 吉祥不相誤 右第二 十七卦

汝有諸兒子 一子五逆惡 爲汝作禍災

恒爲人所薄 燒亂生罪過 魔鬼互來作

疾病不咒治 一以委湯藥 右第二十八卦

師有所言說 憶在不失亡 修作諸福德

魔邪自消藏 但當禮三寶 正念魔敢當

令汝得財寶 然後亦吉祥 右第二十九卦

種惡得其殃 合家悉疾病 困者非一人

乃得慮滅性 皆是先世因 所以致危命

若能悔今身 災邪悉流逆 右第三十卦

汝是不吉人 故使居此間 中有魔魅鬼

恒來相留連 三魂及七魄 繫縛在空山

恍惚既不定 終當墮深淵 右第三十一卦

產乳悉通利 男女皆聰明 梵天說神策

魔邪不得生 專心向正覺 禮拜無虧盈

漸漸增其福 祿位自來榮 右第三十二卦

前可寄財物 本不令生長 何忽說欺詐

過失非一兩 可還此財寶 造經及形像

輒生輕慢心 必當墮羅網 右第三十三卦

五逆欺君父 謂之是長保 恐此有業報

世生煩惱 意業所纏綿 是以不見好

子可自改心 歸依無上道 右第三十四卦

我念汝一身 飄泊在軍中 君王相護念

保令結始終 入陣常獲勝 意勇必有功

此是梵天助 勢力長無窮 右第三十五卦

為人懷弊惡 坐此危身命 五逆誣君父

恒與財利競 諸天所不護 兒孫悉流逆

善當學忍辱 莫恣於情性 右第三十六卦

莫信於邪師 欺詐多誤人 但當一心念

保離罪咎身 今雖見不好 後當生福因

子可悔眾穢 正覺度苦人 右第三十七卦

汝欲貨雜物 所向皆吉利 但當勤精進

財物自如意 牛馬猪羊犬 長益而昌熾

疫鬼不得便 善神為汝記 右第三十八卦

雖言奉三寶 不行恭敬心 破齋毀經戒

言輒生醜音 輕慢於神明 罪報不可任

每行不善意 苑入地獄深 右第三十九卦

汝家有十人 五逆無反復 又切 口舌相鬪亂

言音難盡究 治生不獲利 畜養不滋茂

懷惡終不滅 梵天所不祐 右第四
十卦

大義有此人 何為江湖間 可還入親里

自然得高遷 今日雖未獲 必當在來年

家室歡且樂 然後信梵天 右第四
十一卦

汝常信罪福 反作不善事 空言畏無常

無修改更意 今者意不專 便不獲吉利

梵釋語汝實 慎勿生疑思 右第四
十二卦

人能奉昴勝 正覺第一道 但當念經戒

魔邪不能惱 衆魅不能干 善神常相保

愛法如珠玉 入惡無不好 右第四
十三卦

人欲奉三寶 歸正却衆邪 意中不理盡

魔邪悉來加 燒觸作諸怪 禍至必不賒

災耗連日生 負罪如恒沙 右第四
十四卦

財物不可保 分散理無常 慳貪懷嫉妬

世世受其殃 恪惜不布施 坐守財物已

欲避路無從 是名不吉祥 右第四
十五卦

自言信道德 精進常自守 內心懷不吉

後身墮餓鬼

罵詈無本末

謂師是老叟

傳語後世人

師恩不可負

右第四十六卦

勤修於人務

福祿及子孫

如是之報應

皆由宿世恩

出入常見好

流布於宗門

世世所生處

梵釋相誼譁

右第四十七卦

神道有大小

勿生不信心

人亦有貴賤

宿命所延任

何故助小魔

貢高發疑音

但當平等觀

子息如甞林

右第四十八卦

所求多罣礙

疾病不得愈

晝夜生憂惱

泣淚如雲雨

神策度世難

梵天之所許

齋戒修法會

心求自得叙

右第四十九卦

父母行不善

子孫多死已

晁後生一兒

復爲人所傷

孤獨無依怙

泣涕痛心腸

漸漸生不吉

尋復遇禍殃

右第五十卦

子有好心行

奉法悉具足

君主相護念

視之如珠玉

正念皆如此

梵釋相營逐

是語皆謂可

順從心所欲

右第五十一卦

此人勤精進

持戒又具足

三歸五戒神

乃有三十六

常隨共擁護

所願無毀辱

但當修善行

死不入地獄

右第五
十二卦

迴邪奉正法

無不獲善報

壽命亦延長

財物不虛耗

世世蒙其福

吉利自然到

色力常鮮潔

吐氣亦清妙

右第五
十三卦

雖欲信正覺

無有堅固本

奄忽遭禍橫

心中生退轉

邪師之所欺

殺生求增損

既不專一心

必不獲利反

右第五
十四卦

夫人懷憂惱

必有不好想

財物從此散

棄滅日增長

梵天說神策

悉好無疑象

三界度苦人

解脫八羅網

右第五
十五卦

殺生多夭命

惡心亦如斯

剝奪人財物

唯得以為佳

此人億劫來

今身不自知

竊盜非好名

真是不足為

右第五
十六卦

事師當如法

勿有懈怠辭

背叛設輕慢

罵詈生狐疑

災厄從中至

卜易問良醫

禍害自然生

未有欣樂時

右第五
十七卦

何不奉正覺

歸命自發露

悔過洗惡心

無不獲濟度

心行既不定

不為神所護

宗室多死亡

夜見惡夢寤

右第五十八卦

所作輒不善

還自中其身

若能歸正覺

解脫罪苦身

魔邪之所作

鬼魅之所親

僻錯好罵詈

動起驚四隣

右第五十九卦

墮落於水中

魂魄隨浪流

作鬼屬河神

長有萍泊憂

苦隨不能堪

復還從家求

災耗四面起

生見無盡休

右第六十卦

前行作五逆

常不信正真

邪心逐異道

無事懷餘因

宗室相嫌恨

小語呼天神

怨對相牽引

衆墮地獄身

右第六十一卦

汝家多財物

咒咀更相欺

今日得重病

皆是宿生疑

湯藥不得行

此病不可治

大小亂相向

諸神不護之

右第六十二卦

六畜疫所害

非是人所治

皆從業緣報

綺語多所欺

不孝違師父

常自懷狐疑

一到入地獄

億劫無出期

右第六十三卦

精進莫殺生

殺者心不仁

後罪短命死

不得復人身

拘羅諸罪過

苦惱不生欣

正命不放逸

專心畏於神

右第六
十四卦

軍中何足貪

刀兵若在頭

四面無所見

雅有諸髑髏

但當念道德

何能為他憂

保還得安隱

不使空勞驅

右第六
十五卦

汝前取婦時

相視如鴛鴦

和合共為家

必令保久長

不悟忽中道

便欲相夭傷

鬪諍不脫時

財物亦消亡

右第六
十六卦

正覺久滅度

沙門承遺教

苦行修功德

受訓金顏貌

濁世罪眾生

輕賤為未效

百事不吉祥

坐生諸殃考

右第六
十七卦

夫欲修仁義

皆應淨心行

常念於正覺

世世不遭橫

三界拔苦惱

宗族蒙福慶

自歸無上道

所生值眾聖

右第六
十八卦

常念受罪人

獲報得命夭

不見好可論

禍害相纏繞

眾魔共繞試

邪心增其表

殺生祠諸鬼

業報真不少

右第六
十九卦

改更歸魔道

必當破汝家

子孫多疾病

恒與官相羅

治生不得利

無事生罪瑕

緣汝業行惡

誤計信於邪

右第七
十卦

所作不如法

恒與惡相連

所求垂應得

忽更致流遷

往往非一事

悉是罪所延

禍至亦不賒

必當在來年

右第七
十一卦

專心既不定

夜臥生夢寤

唯見罪自纏

不見受福路

財物悉流散

傾家無歸訴

若能奉正覺

終身不遭遇

右第七
十二卦

一母生十子

房室各各立

長大計業異

毫利不相及

恩愛起鬪亂

財色致憂悒

兩舌相誹謗

縣官相連習

右第七
十三卦

常見愚劣人

不信於三寶

縱逸無所畏

殺生而無道

怨對自在近

不得終耆老

若能不為此

每事無不好

右第七
十四卦

今此無知人

飲毒求自活

殺生禱祠神

意怙為恃賴

反逆不恭敬

隨意以為快

天神不營護

眾魔作禍害

右第七
十五卦

車牛出入行

前後皆吉利

神毋與汝願

所作悉如意

但當弘自心

勿思衆魔事

所向無罣礙

仕宦自然至

右第七十六卦

善行多恩福

祿位自顯昌

常無疾病憂

所作皆吉祥

遊處他方土

善神自扶將

親友蒙其祐

樂報真未央

右第七十七卦

疾病常除愈

魔鬼不能加

善心向三寶

福祿自無遐

功德漸漸勝

流布宗室家

正真定可修

莫信於衆邪

右第七十八卦

但當念修善

慎勿行五逆

雖爲吏所呼

縣官不能責

慈心念清淨

能拔諸憂厄

如水洗塵滓

惡氣無遺跡

右第七十九卦

何忽壞道心

邪行以自立

輕慢於三寶

謂言是不急

世世受其殃

相見輒號泣

念子獲其報

地獄實難入

右第八十卦

五逆無所知

至老無兒息

禱祠天下神

十方皆周極

遂不果其願

魔魅所隱匿

乃至世世生

不得所求力

右第八十一卦

忽與惡人好

致令生鬪諍

呪咀汝兒子

禍熾如火盛

遂為人所害

危厄見身命

三寶可歸心

梵天懷欽詠

右第八
十二卦

念此孤遺子

一身在軍中

遠離舊鄉土

逍遙逐異風

雖在他封境

梵釋所興隆

言歸保安隱

親友亦歡顯

右第八
十三卦

慎莫懷憂愁

福德至無窮

官祿自到前

更生昇天宮

咸同識宿命

皆習衆聖風

庠序而無爲

積福致興隆

右第八
十四卦

莫作不善行

信義當溫厚

積財不欲施

諫言不肯受

奴婢作口舌

無事生怨咎

慳貪所結縛

竊盜言無有

右第八
十五卦

汝欲結姻媾

才技不具足

既無好行迹

夫婿不拘錄

常懷輕賤心

每言輒毀辱

進退無宜禮

怨恨聲相續

右第八
十六卦

何意相鬪諍

口舌紛紜生

縣官更互起

憂苦軛身嬰

悔過滅罪垢

梵釋常相營

終命昇天堂

善神悉來迎

右第八
十七卦

華色不久停

會當有萎落

人生如電過

恒恐奄忽著

憂長時有

歡樂暫纏縛

婚娶當及時

必好莫前却

右第八十八卦

汝昔有恩福

神明所佑佐

令汝有男女

強健無軼軻

又能重修善

還奉正道化

必當獲福利

跡行無穢汗

右第八十九卦

汝昔歸三寶

至心皆清淨

中爲人所誤

迴心向邪影

意業起煩惱

邪心自然乘

還反向正真

梵天乃總領

右第九十卦

前世無福田

今身不獲好

所作不吉祥

終日懷憂惱

罪報既無窮

可歸於三寶

持戒不毀犯

自致無上道

右第九十一卦

愚癡不信法

縱逸無所畏

百苦纏身形

出輒遇禍崇

誹謗說人惡

善事則隱諱

五逆無慈心

後墮畜生類

右第九十二卦

精勤奉正真

晝夜修六度

齋戒消魔魅

功德亦流布

行善無惡緣

戒神常擁護

梵天說神策

吉祥不相誤

右第九十三卦

汝欲入山林

求取諸果藥

直心行四等

豺狼為退却

伏藏及珍寶

悉令汝經略

善神相營衛

不令有遺落

右第九
十四卦

汝欲案禮法

惡子嚴教誨

朝夕禮三寶

情性令柔和

譬如有大樹

覆陰甚衆多

汝莫自促促

保令事無他

右第九
十五卦

人生於世間

各有宿身緣

負債作奴婢

罪根相牽連

以償其宿罪

世世有對怨

斯由宿身來

積行相纏綿

右第九
十六卦

若能專精進

便當安一心

世世得福報

終不入魔林

現在無罪垢

功德日滋深

子孫樂相向

祿位自來任

右第九
十七卦

子欲遠治生

慎莫信他語

但正一心念

釋梵為等侶

所求自如意

大利天當與

存情向三寶

衆聖之所許

右第九
十八卦

慎莫作偷盜

偷盜非好名

貪心取他物

後報作畜生

以償其宿罪

輪轉靡不經

出入不自由

鎖械其身形

右第九
十九卦

佛語梵天汝今以為一切人民說此神策竟利益一

切功德不少。令諸疑惑各得開解。我今當演善神灌頂章句以爲勸助。若有人民開策之者。或信不信。令得正念。使一切魔不得破壞。生嫉惡心。設有惡意。自然消滅。說是語竟。梵王請佛唯願說之。於是世尊卽說灌頂無上偈頌。神名如是。

地神畢栗絺毘 水神阿婆提婆婆 火神帝沙陀
提婆婆 風神婆由馱提婆婆 山神阿迦奢提婆
婆 三頭神抵梨尸棄提婆婆 六眼神毘摩提婆
婆 五頭神般蛇尸棄

佛告阿難。梵天王等。若四輩弟子欲爲策法。當以竹帛書此上偈。以五色絲作囊盛之。若欲卜時。採取三策。至于七策。審之無疑。澡漱口齒。莫食狗肉及噉五辛。出策之法不得過七。人後說探者。衆事不中。不語人也。梵王說已。佛於衆中印可善哉。四衆聞說。梵王神策。淨心歡喜。作禮奉行。

灌頂梵天神策經

前集經

大聖人... 佛... 菩薩... 諸... 山... 諸... 堅... 今... 男子... 若...

占察善惡業報經卷上

隋外國沙門菩提登譯

如是我聞。一時婆伽婆一切智人在王舍城耑闍崛山中。以神通力示廣博嚴淨無礙道場。與無量無邊諸大衆俱。演說甚深根聚法門。爾時會中有菩薩名堅淨信。從座而起。整衣服。偏袒右肩。合掌白佛言。我今於此衆中。欲有所問。諮請世尊。願垂聽許。佛言。善男子。隨汝所問。便可說之。堅淨信菩薩言。如佛先說。若我去世。正法滅後。像法向盡。及入末世。如是之時。

占察善惡業報經卷上

上卷 卷之三 幸集 一
衆生福薄多諸衰惱。國土數亂災害頻起。種種厄難。怖懼逼繞。我諸弟子。失其善念。唯長貪瞋嫉妬我慢。設有像似行善法者。但求世間利養名稱。以之爲主。不能專心修出要法。爾時衆生親世災亂。心常怯弱。憂畏已身及諸親屬。不得衣食充養軀命。以如此等衆多障礙。因緣故於佛法中。鈍根少信。得道者極少。乃至漸漸於三乘中。信心成就者亦復甚艱。所有修學世間禪定發諸通業。自知宿命者。次轉無有。如是於後入末法中。經久得道獲信禪定通業等。一切全

無我今爲此未來惡世。像法向盡及末法中。有微少善根者。請問如來。設何方便開化示導。令生信心。得除衰惱。以彼衆生。遭值惡時。多障礙。故退其善心。於世間出世間因果法中。數起疑惑。不能堅心專求善法。如是衆生。可愍可救。世尊大慈。一切種智。願與方便。而曉諭之。令離疑網。除諸障礙。信得增長。隨於何乘。速獲不退。佛告堅淨信言。善哉善哉。快問斯事。深適我意。今此衆中。有菩薩摩訶薩。名曰地藏。汝應以此事而請問之。彼當爲汝建立方便。開示演說。誠汝

所願時堅淨信菩薩復白佛言。如來世尊無上大智。何意不說。乃欲令彼地藏菩薩而演說之。佛告堅淨信。汝莫生高下想。此善男子。發心已來。過無量無邊。不可思議阿僧祇劫。久已能度薩婆若海。功德滿足。但依本願自在力。故權巧現化。影應十方。雖復普遊一切刹土。常起功業。而於五濁惡世。化益偏厚。亦依本願力所熏習。故及因衆生應受化業故也。彼從十劫來。莊嚴此世界成熟衆生。是故在斯會中。身相端嚴威德殊勝。唯除如來。無能過者。又於此世界所

有化業。唯除遍吉觀世音等諸大菩薩。皆不能及。以是菩薩本誓願力。速滿衆生一切所求。能滅衆生一切重罪。除諸障礙。現得安隱。又是菩薩名為善安。慰說者。所謂巧演深法。能善開導。初學發意求大乘者。令不怯弱。以如是等因緣。於此世界衆生。渴仰受化得度。是故我今令彼說之。

爾時堅淨信菩薩。既解佛意已。尋卽勸請地藏菩薩。摩訶薩言。善哉。救世真士。善哉。大智開士。如我所問。惡世衆生。以何方便而化導之。使離諸障。得堅固信。

如來今者爲欲令汝說。是方便。宜當知時。哀愍爲說。爾時地藏菩薩摩訶薩。語堅淨信菩薩摩訶薩言。善男子。諦聽。當爲汝說。若佛滅後。惡世之中。諸有比丘。比丘尼。優婆塞。優婆夷。於世間出世間因果法。未得決定信。不能修學。無常想。苦想。無我想。不淨想。成就現前。不能勤觀四聖諦法。及十二因緣法。亦不勤觀。真如實際。無生無滅等法。以不勤觀。如是法故。不能畢竟不作十惡根本過罪。於三寶功德種種境界。不能專信。於三乘中。皆無定向。如是等人。若有種種諸

障礙事。增長憂慮。或疑或悔。於一切處。心不明了。多求多惱。衆事牽纏。所作不定。思想繞亂。廢修道業。有如是等障難事者。當用木輪相法。占察善惡宿世之業。現在苦樂吉凶等事。緣合故。有緣盡則滅。業集隨心相現。果起不失。不壞相應不差。如是諦占善惡業報。曉喻自心。於所疑事。以取決了。若佛弟子。但當學習如此相法。至心歸依。所觀之事。無不成者。不應棄捨如是之法。而返隨逐世間卜筮種種占相吉凶等事。貪著樂習。若樂習者。深障聖道。善男子。欲學木輪

相者。先當刻木如小指許。使長短減於一寸。正中令其四面方平。自餘向兩頭斜漸去之。仰手傍擲。令使易轉。因是義。故說名爲輪。又依此相能破壞衆生邪見疑網。轉向正道。到安隱處。是故名輪。其輪相者。有三種差別。何等爲三。一者輪相能示宿世所作善惡業種差別。其輪有十二者。輪相能示宿世集業久近。所作強弱大小差別。其輪有三。三者輪相能示三世中受報差別。其輪有六。若欲觀宿世作善惡業差別者。當刻木爲十輪。依此十輪書記十善之名。一善王

在一輪於一面。記次以十惡書對十善。令使相當。亦各記在一面。言十善者。則爲一切衆善根本。能攝一切諸餘善法。言十惡者。亦爲一切衆惡根本。能攝一切諸餘惡法。若欲占此輪相者。先當學至心總禮十方一切諸佛。因卽立願。願令十方一切衆生速疾皆得親近供養。諮受正法。次應學至心敬禮十方一切法藏。因卽立願。願令十方一切衆生速疾皆得受持讀誦如法修行。及爲他說。次當學至心敬禮十方一切賢聖。因卽立願。願令十方一切衆生速疾皆得親

近供養。發菩提心。至不退轉。後應學至心禮我地。藏
 菩薩摩訶薩。因卽立願。願令十方一切衆生。速得除
 滅惡業重罪。離諸障礙。資生衆具悉皆充足。如是禮
 已。隨所有香華等。常修供養。修供養者。憶念一切佛
 法僧寶體。常遍滿無所不在。願令以此香華等同法
 性。普熏一切諸佛刹土。施作佛事。又念十方一切供
 具。無時不有。我今當以十方所有一切種種香華瓔
 珞幢旛寶蓋諸珍妙飾。種種音樂燈明燭火飲食衣
 服臥具湯藥。乃至盡十方所有一切種種莊嚴供養

之具。憶想遙擬。普共衆生奉獻供養。常念一切世界
 中有修供養者。我今隨喜。若未修供養者。願得開導
 令修供養。又願我身速能遍至一切刹土。於一一佛
 法僧所。各以一切種莊嚴供養之具。共一切衆生等
 持奉獻供養。一切諸佛法身。色身舍利形像。浮圖廟
 塔。一切佛事供養。一切所有法藏及說法處。供養一
 切賢聖僧衆。願其一切衆生修行。如是供養已。漸得
 成就六波羅蜜。四無量心。深知一切法。本來寂靜。無
 生無滅。一味平等。離念清淨。畢竟圓滿。又應別復係

占察善惡業報經上
六
心供養我地藏菩薩摩訶薩以當稱名若默誦念一心告言南無地藏菩薩摩訶薩如是稱名滿足至千經千念已而作是言地藏菩薩摩訶薩大慈大悲惟願護念我及一切衆生速除諸障增長淨信令今所觀稱實相應作此語已然後手執木輪於淨物上而傍擲之如是欲自觀法若欲觀他皆亦如是應知占其輪相者隨所現業悉應一一諦觀思驗或純具十善或純具十惡或善惡交雜或純善不具或純惡不具如是業因種類不同習氣果報各各別異如佛世

尊餘處廣說應當憶念思惟觀察所現業種與今世果報所經苦樂吉凶等事及煩惱業習得相當者各爲相應若不相當者謂不至心名虛謬也若占輪相其善惡業俱不現者此人已證無漏智心專求出離不復樂受世間果報諸有漏業展轉微弱更不增長是故不現又純善不具純惡不具者此二種人善惡之業所有不現者皆是微弱未能牽果是故不現若當來世佛諸弟子已占善惡果報得相應者於五欲衆具得稱意時勿當自縱以起放逸卽應思念由我

宿世如是善業故今獲此報我今乃可轉更進修不應休止若遭衆厄種種衰惱不吉之事繞亂憂怖不稱意時應當甘受無令疑悔退修善業卽當思念但由我宿世造如是惡業故今獲此報我今應當悔彼惡業專修對治及修餘善無得止住懈怠放逸轉更增集種種苦聚是名占察初輪相法善男子若欲占察過去往昔集業久近所作強弱大小差別者當復刻木爲三輪以身口意各主一輪書字記之又於輪正中一面書一畫令麤長使轍畔次第二面書一畫

令細短使不至畔次第三面作一傍刻如畫令其麤淡次第四面亦作傍刻令使細淺當知善業莊嚴猶如畫飾惡業衰害猶如損刻其畫長大者顯示積善來久行業猛利所作增上其畫細短者顯示積善來近始習基鈍所作微薄其刻麤深者顯示習惡來久所作增上餘殃亦厚其刻細淺者顯示退善來近始習惡法所作之業未至增上或雖起重惡已曾改悔此謂小惡善男子若占初輪相者但知宿世所造之業善惡差別而不能知積習久近所作之業強弱大

占察善惡業報經上
小是故須占第二輪相。若占第二輪相者。當依初輪相中所現之業。若屬身者。擲身輪相。若屬口者。擲口輪相。若屬意者。擲意輪相。不得以此三輪之相。一擲通占。應當隨業。主念一一善惡。依所屬輪。別擲占之。復次。若占初輪相中。唯得身之善。於此第二輪相中。得身惡者。謂無至心。不得相應。名虛謬也。又復不相應者。謂占初輪相中。得不殺業。及得偷盜業。意先主觀。不殺業。而於第二輪相中。得身惡者。名不相應。復次。若觀現在從生以來。不樂殺業。無造殺罪。但意主

殺業。而於此第二輪相中。得身大惡者。謂各不相應。自餘口意中業。不相應義。亦如是應知。善男子。若未來世諸衆生等。欲求度脫。生老病死。始學發心。修習禪定。無相智慧者。應當先觀宿世所作惡業多少。及以輕重。若惡業多厚者。不得卽學禪定智慧。應當先修懺悔之法。所以者何。此人宿習惡心。猛利。故於今現在。必多造惡。毀犯重禁。以犯重禁。故若不懺悔。令其清淨。而修禪定智慧者。則多有障礙。不能尅獲。或失心錯亂。或外邪所惱。或納受邪法。增長惡見。是故

山經卷之三
九
當先修懺悔法。若戒根清淨及宿世重罪得微薄者。則離諸障。善男子。欲修懺悔法者。當住靜處。隨力所能。莊嚴一室。內置佛事。及安經法。懸繒幡蓋。求集香華。以修供養。澡沐身體。及洗衣服。勿令臭穢。於晝日分。在此室內。三時稱名。一心敬禮。過去七佛。及五十三佛。次隨十方面。一一總歸。擬心遍禮。一切諸佛。所有色身舍利形像。浮圖廟塔。一切佛事。復次總禮十方三世所有諸佛。又當擬心遍禮十方一切法藏。次當擬心遍禮十方一切賢聖。然後更別稱名禮我地。

藏菩薩摩訶薩。如是禮已。應當說所作罪。一心仰告。惟願十方諸大慈尊。證知護念。我今懺悔。不復更造。願我及一切衆生。速得除滅。無量劫來。十惡四重。五逆顛倒。謗毀三寶。一闍提罪。復應思惟。如是罪性。但從虛妄顛倒心起。無有定實。而可得者。本唯空寂。願一切衆生。速達心本。永滅罪根。次應復發勸請之願。願令十方一切菩薩。未成正覺者。願速成正覺。若已成正覺者。願常住在世。轉正法輪。不入涅槃。次當復發隨喜之願。願我及一切衆生。畢竟永捨嫉妬之心。

於三世中一切利土所有修學一切功德及成就者。悉皆隨喜。次當復發迴向之願。願我所修一切功德。資益一切諸衆生等。同趣佛智。至涅槃城。如是發迴向願已。復往餘靜室。端坐一心。若稱誦若默念我之名號。當減省睡眠。若憊蓋多者。應於道場室中。旋遶誦念。次至夜分時。若有燈燭光明事者。亦應三時恭敬供養。憊過發願。若不能辦光明事者。應當直在餘靜室中。一心誦念。日日如是。行懺悔法。勿令懈廢。若人宿世遠有善基。暫時遇惡。因緣而造惡法。罪障輕

微。其心猛利。意力強者。經七日後。即得清淨。除諸障礙。如是衆生等業。有厚薄諸根利鈍。差別無量。或經二七日後。而得清淨。或經三七日乃至或經七七日後。而得清淨。若過去現在。俱有增上種種重罪者。或經百日。而得清淨。或經二百日乃至或經千日。而得清淨。若極鈍根。罪障最重者。但當能發勇猛之心。不顧惜身命。想常勤稱念。晝夜旋遶。減省睡眠。禮懺發願。樂修供養。不懈不廢。乃至失命。要不休退。如是精進於千日中。必獲清淨。善男子。若欲得知清淨相者。

從始修行過七日後當應日日於晨朝且以第二輪相具安手中頻三擲之若身口意皆純善者名得清淨如是未來諸衆生等能修行懺悔者從先過去久遠以來於佛法中各曾習善隨其所修何等功德業有厚薄種種別異是故彼等得清淨時相亦不同或有衆生得三業善相時於一日一夜中復見光明遍滿其室或聞殊特異好香氣身意快然或作善夢夢見佛色身來爲作證手摩其頭歎言善哉汝今清淨我來證

汝或夢見菩薩身來爲作證或夢見佛形像放光而爲作證若人未得三業善相但先見聞如此諸事者則爲虛妄誑惑詐僞非善相也若人曾有出世善基攝心猛利者我於爾時隨所應度而爲現身放大慈光令彼安隱離諸疑怖或示神通種種變化或復令彼自憶宿命所經之事所作善惡或復隨其所樂爲說種種深要之法彼人卽時於所向乘得決定信或漸證獲沙門道果復次彼諸衆生若雖未能見我化身轉變說法但當學至心使身口意得清淨相已我

亦護念。令彼衆生速得消滅種種障礙。天魔波旬不
來破壞。乃至九十五種外道邪師。一切鬼神亦不來
亂。所有五蓋展轉輕微。堪能修習諸禪智慧。復次若
未來世諸衆生等。雖不爲求禪定智慧出要之道。但
遭種種衆厄貧窮困苦憂惱逼迫者。亦應恭敬禮拜
供養。悔所作惡。恒常發願於一切時一切處。勤心稱
誦我之名號。令其至誠。亦當速脫種種衰惱。捨此命
已。生於善處。復次未來之世。若在家若出家諸衆生
等。欲求受清淨妙戒。而先已作增上重罪。不得受者。

亦當如上修懺悔法。令其至心。得身口意善相。已卽
應可受。若彼衆生欲習摩訶衍道。求受菩薩根本重
戒。及願總受在家出家一切禁戒。所謂攝律儀戒。攝
善法戒。攝化衆生戒。而不能得善好戒師。廣解菩薩
法藏。先修行者。應當至心於道場內恭敬供養。仰告
十方諸佛菩薩。請爲師證。一心立願。稱辯戒相。先說
十根本重戒。次當總舉三種戒聚。自誓而受。此亦得
戒。復次未來世諸衆生等。欲求出家。及已出家若不
能得善好戒師。及清淨僧衆。其心疑惑。不得如法受

於禁戒者。但能學發無上道心。亦令身口意得清淨已。其未出家者。應當剃髮被服法衣。如上立願自誓。而受菩薩律儀三種戒聚。則名具獲波羅提木叉出家之戒。名爲比丘比丘尼。卽應推求聲聞律藏及菩薩所習摩德勒伽藏。受持讀誦觀察修行。若雖出家。而其年未滿二十者。應當先誓願受十根本戒。及受沙彌沙彌尼所有別戒。旣受戒已。亦名沙彌沙彌尼。卽應親近供養給侍。先舊出家學大乘心具受戒者。求爲依止之師。請問教戒修行威儀。如沙彌沙彌尼。

法若不能值如是之人。唯當親近菩薩所修摩德勒伽藏。讀誦思惟。觀察修行。應勤供養佛法僧寶。若沙彌尼年已十八者。亦當自誓受毘尼藏中式。又摩那六戒之法。及遍學比丘尼一切戒聚。其年若滿二十時。乃可如上總受菩薩三種戒聚。然後得名比丘比丘尼。若彼衆生。雖學懺悔。不能至心。不獲善相者。設作受想。不名得戒。爾時堅淨信菩薩摩訶薩。問地藏菩薩摩訶薩言。所說至心者。差別有幾種。何等至心。能獲善相。地藏菩薩摩訶薩言。善男子。我所說至心。

者略有二種何等爲二。一者初始學習求願至心。二者攝意專精成就勇猛相應至心。得此第二至心者能獲善相。此第二至心復有下中上三種差別。何等爲三。一者一心所謂係想不亂。心住了。二者勇猛心所謂專求不懈不顧身命。三者深心所謂與法相應究竟不退。若人修習此懺悔法乃至不得下至心者。終不能獲清淨善相。是名說占第二輪法。善男子。若欲占察三世中受報差別者。當復刻木爲六輪於此六輪以一二三四五六七八九十十一十二十三

十四十五十六十七十八等數書字記之。一數至一面。各三面。令數次第不錯不亂。當知如此諸數皆從一數而起。以一爲本。如是數相者顯示一切衆生六根之聚。皆從如來藏自性清淨心一實境界而起。依一實境界以之爲本。所謂依一實境界故有彼無明不了一法界。謬念思惟現妄境界。分別取著。集業因緣。生眼耳鼻舌身意等六根。以依內六根故。對外色聲香味觸法等六塵。起眼耳鼻舌身意等六識。以依六識故。於色聲香味觸法中。起違想順想。非違非順。

等想。生十八種受。若未來世佛諸弟子。於三世中所受果報。欲決疑意者。應當三擲此第三輪相。計合數。依數觀之。以定善惡。如有所觀三世果報善惡之相。有一百八十九種。何等爲一百八十九種。一者求上乘得不退。二者所求果現當證。三者求中乘得不退。四者求下乘得不退。五者求神通得成就。六者修四梵得成就。七者修世禪得成就。八者所欲受得妙戒。九者所曾受得戒具。十者求上乘未任信。十一者求中乘未任信。十二者求下乘未任信。十三者所觀

人爲善友。十四者隨所聞是正法。十五者所觀人爲惡友。十六者隨所聞非正教。十七者所觀人有實德。十八者所觀人無實德。十九者所觀義不錯謬。二十者所觀義是錯謬。二十一者有所誦不錯謬。二十二者有所誦是錯謬。二十三所修行不錯謬。二十四者所見聞是善相。二十五者有所證爲正實。二十六者有所學是錯謬。二十七者所見聞非善相。二十八者有所證非正法。二十九者有所獲邪神持。三十者所能說邪智辯。三十一者所玄知非人力。三十二者

應先習觀智道三十三者應先習禪定道三十四者
觀所學無障礙三十五者觀所學是所宜三十六者
觀所學非所宜三十七者觀所學是宿習三十八者
觀所學非宿習三十九者觀所學善增長四十者觀
所學方便少四十一者觀所學無進趣四十二者所
求果現未得四十三者求出家當得去四十四者求
聞法得教示四十五者求經卷得讀誦四十六者觀
所作是魔事四十七者觀所作事成就四十八者觀
所作事不成四十九者求大富財盈滿五十者求官

位當得獲五十一者求壽命得延年五十二者求世
仙當得獲五十三者觀學問多所達五十四者觀學
問少所達五十五者求師友得如意五十六者求弟
子得如意五十七者求父母得如意五十八者求男
女得如意五十九者求妻妾得如意六十者求同伴
得如意六十一者觀所慮得和合六十二者所觀人
心懷悲六十三者求無恨得歡喜六十四者求和合
得如意六十五者所觀人心歡喜六十六者所思人
得會見六十七者所思人不復會六十八者所請喚

得來集。六十九者所憎惡得離之。七十者所愛敬得
近之。七十一者觀欲聚得和集。七十二者觀欲聚不
和集。七十三者所請喚不得來。七十四者所期人必
當至。七十五者所期人住不來。七十六者所觀人得
安吉。七十七者所觀人不安吉。七十八者所觀人已
無身。七十九者所望見得觀之。八十者所求覓得見
之。八十一者求所聞得吉語。八十二者所求見不如
意。八十三者觀所疑卽爲實。八十四者觀所疑爲不
實。八十五者所觀人不和合。八十六者求佛事當得

獲。八十七者求供具當得獲。八十八者求資生得如
意。八十九者求資生少得獲。九十者有所求皆當得
九十一者有所求皆不得。九十二者有所求少得獲
九十三者有所求得如意。九十四者有所求速當得
九十五者有所求久當得。九十六者有所求而損失
九十七者有所求得吉利。九十八者有所求而受苦
九十九者觀所失求當得。一百者觀所失求不得。一
百一者觀所失自還得。一百二者求離厄得脫難。一
百三者求離病得除愈。一百四者觀所去無障礙。一

占筮善惡事類總目
冊七
百五者觀所去有障礙。一百六者觀所住得安止。一百七者觀所住不得安。一百八者所向處得安快。一百九者所向處有厄難。一百一十者所向處爲魔網。一百一十一者所向處難開化。一百一十二者所向處可開化。一百一十三者所向處自獲利。一百一十四者所遊路無惱害。一百一十五者所遊路有惱害。一百一十六者君民惡饑饉起。一百一十七者君民惡多疾疫。一百一十八者君民好國豐樂。一百一十九者君無道國災亂。一百二十者君修德災亂滅。一

百二十一者君行惡國將破。一百二十二者君修善國還立。一百二十三者觀所避得度難。一百二十四者觀所避不脫難。一百二十五者所任處衆安隱。一百二十六者所任處有障難。一百二十七者所依聚衆不安。一百二十八者閑靜處無諸難。一百二十九者觀怪異無損害。一百三十者觀怪異有損害。一百三十一者觀怪異精進安。一百三十二者觀所夢無損害。一百三十三者觀所夢有損害。一百三十四者觀所夢精進安。一百三十五者觀所夢爲吉利。一百

三十六者觀障亂速得離。一百三十七者觀障亂漸得離。一百三十八者觀障亂不得離。一百三十九者觀障亂一心除。一百四十者觀所難速得脫。一百四十一者觀所難久得脫。一百四十二者觀所難受衰惱。一百四十三者觀所難精進脫。一百四十四者觀所難命當盡。一百四十五者觀所患大不調。一百四十六者觀所患非人惱。一百四十七者觀所患合非人。一百四十八者觀所患可療治。一百四十九者觀所患難療治。一百五十者觀所患精進差。一百五十

一者觀所患久長苦。一百五十二者觀所患自當差。一百五十三者觀所患向醫堪能治。一百五十四者觀所療是對治。一百五十五者所服藥當得力。一百五十六者觀所患得除愈。一百五十七者所向醫不能治。一百五十八者觀所療非對治。一百五十九者所服藥不得力。一百六十者觀所患命當盡。一百六十一者從地獄道中來。一百六十二者從畜生道中來。一百六十三者從餓鬼道中來。一百六十四者從阿修羅道中來。一百六十五者從人道中而來。一百

六十六者從天道中而來。一百六十七者從在家中
而來。一百六十八者從出家中而來。一百六十九者
曾值佛供養來。一百七十者曾親供養賢聖來。一百
七十一者曾得聞深法來。一百七十二者捨身已入
地獄。一百七十三者捨身已作畜生。一百七十四者
捨身已作餓鬼。一百七十五者捨身已作阿修羅。一
百七十六者捨身已生人道。一百七十七者捨身已
爲人王。一百七十八者捨身已生天道。一百七十九
者捨身已爲天王。一百八十者捨身已聞深法。一百

八十一者捨身已得出家。一百八十二者捨身已值
聖僧。一百八十三者捨身已生兜率天。一百八十四
者捨身已生淨佛國。一百八十五者捨身已尋見佛。
一百八十六者捨身已住下乘。一百八十七者捨身
已住中乘。一百八十八者捨身已獲果證。一百八十
九者捨身已入上乘。善男子。是名一百八十九種善
惡果報差別之相。如此占法。隨心所觀。主念之事。若
數合與意相當者。無有乖錯。若其所擲所合之數。數
與心所觀。主念之事。不相當者。謂不至心。名爲虛謬。

其有三擲而皆無所見者此人則名已得無所有也
復次善男子。若自發意觀於他人所受果報事亦同
爾。若有他人不能自占。而來求請欲使占者。應當籌
量觀察自心。不貪世間。內意清淨。然後乃可如上歸
敬修行供養。至心發願而爲占察。不應貪求世間名
利。如行師道以自妨亂。又若內心不清淨者。設令占
察。而不相當。但爲虛謬耳。復次若未來世諸衆生等。
一切所占。不獲吉善。所求不得。種種憂慮。遍怖懼
時。應當晝夜常勤誦念我之名字。若能至心者所占。

則吉。所求皆獲。現離衰惱。

占察善惡業報經卷上。



80
1
2
3
4
5
6
7
8
9
90
1
2
3
4
5
6
7
8
9
100
1
2
3
4
5
6
7
8
9

占察善惡業報經卷下

五十一

占察善惡業報經卷下

隋外國沙門菩提登譯

爾時堅淨信菩薩摩訶薩問地藏菩薩摩訶薩言。云何開示求向大乘者進趣方便。地藏菩薩摩訶薩言。善男子。若有衆生欲向大乘者。應當先知最初所行根本之業。其最初所行根本業者。所謂依止一實境界。以修信解。因修信解力增長。故速疾得入菩薩種性。所言一實境界者。謂衆生心體。從本以來。不生不滅。自性清淨。無障無礙。猶如虛空。離分別故。平等普

占察善惡業報經卷下

遍無所不至圓滿十方究竟一相無二無別不變不異無增無減以一切衆生心一切聲聞辟支佛心一切菩薩心一切諸佛心皆同不生不滅無染寂靜真如相故所以者何一切有心起分別者猶如幻化無有真實所謂識受想行憶念緣慮覺知等法種種心數非青非黃非赤非白亦非雜色無有長短方圓大小乃至盡於十方虛空一切世界求心形狀無一區分而可得者但以衆生無明癡暗熏習因緣現妄境界令生念著所謂此心不能自知妄自謂有起覺知

想計我我所而實無有覺知之相以此妄心畢竟無體不可見故若無覺知能分別者則無十方三世一切境界差別之相以一切法皆不能自有但依妄心分別故有所謂一切境界各不自念爲有知此爲自知彼爲他是故一切法不能自有則無別異唯依妄心不知不了內自無故謂有前外所知境界妄生種種法想謂有謂無謂彼謂此謂是謂非謂好謂惡乃至妄生無量無邊法想當如是知一切諸法皆從妄想生依妄心爲本然此妄心無自相故亦依境界

而有所謂緣念覺知前境界故說名爲心。又此妄心與前境界雖俱相依起無先後。而此妄心能爲一切境界源主。所以者何。謂依妄心不了法界一相故說心有無明。依無明力因故現妄境界。亦依無明滅故一切境界滅。非依一切境界自不了故說境界有無明。亦非依境界故生於無明。以一切諸佛於一切境界不生無明故。又復不依境界滅故無明心滅。以一切境界從本已來體性自滅。未曾有故。因如此義。是故但說一切諸法依心爲本。當知一切諸法悉名爲

心。以義體不異爲心所攝故。又一切諸法從心所起。與心作相和合而有共生共滅。同無有住。以一切境界但隨心所緣念念相續故。而得住持暫時。爲有如。是所說心義者有二種相。何等爲二。一者心內相。二者心外相。心內相者復有二種。云何爲二。一者真。二者妄。所言真者。謂心體本相。如如不異。清淨圓滿。無障無礙。微密難見。以遍一切處。常恒不壞。建立生長。一切法故。所言妄者。謂起念分別。覺知緣慮。憶想等事。雖復相續能生一切種種境界。而內虛。僞無有真。

實不可見故。所言心外相者。謂一切諸法種種境界等。隨有所念境界。現前。故知有內心及內心差別。如是當知內妄相者爲因。爲體。外妄相者爲果。爲用。依如此等義。是故我說一切諸法悉名爲心。又復當知心外相者如夢所見種種境界。唯心想作無實外事。一切境界悉亦如是。以皆依無明識夢所見妄想作故。復次應知內心念念不任。故所見所緣一切境界亦隨心念念不任。所謂心生故種種法生。心滅故種種法滅。是生滅相。但有名字。實不可得。以心不任至

於境界境界亦不來。至於心。如鏡中像無來無去。是故一切法求生滅定相了不可得。所謂一切法畢竟無體。本來常空。實不生滅。故如是一切法實不生滅者。則無一切境界差別之相。寂靜一味。名爲真如。第一義諦。自性清淨心。彼自性清淨心湛然圓滿。以無分別相故。無分別相者。於一切處無所不在。無所不在者。以能依持建立一切法故。復次彼心名如來藏。所謂具足無量無邊不可思議無漏清淨功德之業。以諸佛法身從無始本際來無障無礙自在不滅。一

切現化種種功業恒常熾然未曾休息。所謂遍一切世界皆示作業種種化益。故以一佛身卽是一切諸佛身。一切諸佛身卽是一佛身。所有作業亦皆共一。所謂無分別相不念彼此平等無二。以依一法性而有作業。同自然化體無別異。故如是諸佛法身遍一切處圓滿不動。故隨諸衆生死。此生彼恒爲作依。譬如虛空悉能容受一切色像種種形類。以一切色像種種形類皆依虛空而有建立生長。任虛空中爲虛空處所攝。以虛空爲體。無有能出虛空界分者。當知

色像之中虛空之界不可毀滅。色像壞時還歸虛空。而虛空本界無增無減不動不變。諸佛法身亦復如是。悉能容受一切衆生種種果報。以一切衆生種種果報皆依諸佛法身而有建立生長。任法身中爲法身處所攝。以法身爲體。無有能出法身界分者。當知一切衆生身中諸佛法身亦不可毀滅。若煩惱斷壞時還歸法身。而法身本界無增無減不動不變。但從無始世來與無明心俱癡闇因緣熏習力故。現妄境界。以依妄境界熏習因緣故起妄相應心。計我我所。

造集諸業受生死苦。說彼法身名爲衆生。若如是衆生中法身熏習而有力者。煩惱漸薄。能厭世間。求涅槃道。信歸一實。修六波羅蜜等一切菩提分法。名爲菩薩。若如是菩薩中修行一切善法。滿足。究竟得離無明睡者。轉名爲佛。當知如是衆生菩薩佛等。但依世間假名言說。故而有差別。而法身之體。畢竟平等。無有異相。善男子。是名略說一實境界義。若欲依一實境界。修信解者。應當學習二種觀道。何等爲二。一者唯心識觀。二者真如實觀。學唯心識觀者。所謂於

一切時一切處。隨身口意所有作業。悉當觀察。知唯是心。乃至一切境界。若心任念。皆當察知。勿令使心無記攀緣。不自覺知。於念念間。悉應觀察。隨心有所緣念。還當使心隨逐。彼念令心自知。知已。內心自生想念。非一切境界有念有分別也。所謂內心自生長短好惡。是非得失。衰利有無等見。無量諸想。而一切境界未曾有想起於分別。當知一切境界自無分別想。故卽自非長非短。非好非惡。乃至非有非無。離一切相。如是觀察一切法。唯心想生。若使離心。則無一

法一相而能自見有差別也。常應如是守記內心。知唯妄念無實境界。勿令休廢。是名修學。唯心識觀。若心無記。不知自心念者。卽謂有前境界。不名唯心識觀。又守記內心者。則知貪想。瞋想及愚癡邪見想。知善知不善。知無記。知心勞慮種種諸苦。若於坐時。隨心所緣。念念觀知。唯心生滅。譬如水流。燈燄。無暫時住。從是當得色寂三昧。得此三昧已。次應學習信奢摩他觀心及信毘婆舍那觀心。習信奢摩他觀心者。思惟內心不可見相。圓滿不動。無來無去。本性不生。

不滅。離分別故。習信毘婆舍那觀心者。想見內外色。隨心生。隨心滅。乃至習想見佛色身。亦復如是。隨心生。隨心滅。如幻如化。如水中月。如鏡中像。非心不離心。非來非不來。非去非不去。非生非不生。非作非不作。善男子。若能習信此二觀心者。速得趣會一乘之道。當知如是唯心識觀。名爲最上智慧之門。所謂能令其心猛利。長信解力。疾入空義。得發無上大菩提心故。若學習真如實觀者。思惟心性無生無滅。不任見聞覺知。永離一切分別之想。漸漸能過空處。識處。

無少處非想非非想處等定境界相。得相似空三昧。得相似空三昧時。識想受行麤分別相不現在前。從此修學爲善知識大慈悲者守護長養。是故離諸障礙勤修不廢展轉能入心寂三昧。得是三昧已。卽復能入一行三昧。入是一行三昧已。見佛無數。發深廣行心。住堅信位。所謂於奢摩他毘婆舍那二種觀道決定信解。能決定向。隨所修學世間諸禪三昧之業。無所樂著。乃至遍修一切善根善提分法。於生死中無所怯畏。不樂二乘以依能習向二觀心最妙巧便。

衆智所依。行根本故。復次修學如上信解者。人有二種。何等爲二。一者利根。二者鈍根。其利根者。先已知一切外諸境界唯心所作。虛誑不實。如夢如幻等。決定無有疑慮。陰蓋輕微。散亂心少。如是等人。卽應學習真如實觀。其鈍根者。先未能知一切外諸境界。悉唯是心。虛誑不實。故染著情厚。蓋障數起。心難調伏。應當先學唯心識觀。若人雖學如是信解。而善根業薄。未能進趣。諸惡煩惱不得漸伏。其心疑怯畏墮。三惡道生。八難處。畏不常值佛菩薩等。不得供養聽

受正法畏菩提行難可成就。有如此疑怖及種種障礙等者。應於一切時一切處常勤誦念我之名字。若得一心善根增長。其意猛利。當觀我法身及一切諸佛法身。我已自身體性平等。無二無別。不生不滅。常樂我淨。功德圓滿。是可歸依。又復觀察已身心相無常苦無我。不淨如幻如化。是可厭離。若能修學如是觀者。速得增長淨信之心。所有諸障漸漸損滅。何以故。此人名爲學習聞我名者。亦能學習聞十方諸佛名者。名爲學至心禮拜供養我者。亦能學至心禮拜

供養十方諸佛者。名爲學聞大乘深經者。名爲學執持書寫供養恭敬大乘深經者。名爲學受持讀誦大乘深經者。名爲學遠離邪見於深正義中不墮謗者。名爲於究竟甚深第一實義中學信解者。名爲能除諸罪障者。名爲當得無量功德聚者。此人捨身終不墮惡道八難之處。還聞正法習信修行。亦能隨願往生他方淨佛國土。復次若人欲生他方現在淨國者。應當隨彼世界佛之名字。專意誦念。一心不亂。如上觀察者。決定得生彼佛淨國。善根增長。速獲不退。當

知如上一心繫念思惟諸佛平等法身一切善根中其業最勝所謂勤修習者漸漸能向一行三昧若到一行三昧者則成廣大微妙行心名得相似無生法忍以能得聞我名字故亦能得聞十方諸佛名字故以能至心禮拜供養我故亦能至心禮拜供養十方諸佛故以能得聞大乘深經故能執持書寫供養恭敬大乘深經故能受持讀誦大乘深經故能於究竟甚深第一實義中不生怖畏遠離誹謗得正見心能信解故決定除滅諸罪障故現證無量功德聚故所

以者何謂無分別菩提心寂靜智現起發方便業種種願行故能聞我名者謂得決定信利益行故乃至一切所能者皆得不退一乘因故若雜亂垢心雖復稱誦我之名字而不名爲聞以不能生決定信解但獲世間善報不得廣大深妙利益如是雜亂垢心隨其所修一切諸善皆不能得深大利益善男子當知如上勤心修學無相禪者不久能獲深大利益漸次作佛深大利益者所謂得入堅信法位成就信忍故入堅修位成就順忍故入正真位成就無生忍故又

成就信忍者能作如來種性故。成就順忍者能解如來行故。成就無生忍者得如來業故。漸次作佛者略說有四種。何等爲四。一者信滿法故作佛。所謂依種性地決定信諸法不生不滅清淨平等無可願求故。二者解滿法故作佛。所謂依解行地深解法性。如如來業無造無作於生死涅槃不起二想。心無所怖故。三者證滿法故作佛。所謂依淨心地以得無分別寂靜法智及不思議自然之業。無求想故。四者一切功德行滿足故作佛。所謂依究竟菩薩地能除一切諸

障無明夢盡故。復次當知若修學世間有相禪者有三種。何等爲三。一者無方便信解力故貪受諸禪三昧功德而生憍慢爲禪所縛退求世間。二者無方便信解力故依禪發起偏厭離行怖怯生死退墮。三者有方便信解力。所謂依止一實境界習近奢摩他毘婆舍那二種觀道故。能信解一切法唯心想生如夢如幻等。雖獲世間諸禪功德而不堅著。不復退求。三有之果。又信知生死卽涅槃故。亦不怖怯退求。二乘。如是修學一切諸禪三昧法者。當知有十種次

第相門具足攝取禪定之業能令學者成就相應不
錯不謬何等爲十。一者攝念方便相。二者欲住境界
相。三者初住境界分明了。了知出知入相。四者善住
境界得堅固相。五者所作思惟方便勇猛轉求進趣
相。六者漸得調順稱心喜樂除疑惑信解自安慰相。
七者尅獲勝進意所專者。少分相應覺知利益相。八
者轉修增明所習堅固得勝功德對治成就相。九者
隨心有所念作外現功業如意相應不錯不謬相。十
者若更異修依前所得而起方便次第成就出入隨

心超越自在相。是名十種次第相門。攝修禪定之業。
爾時堅淨信菩薩摩訶薩問地藏菩薩摩訶薩言。汝
云何巧說深法能令衆生得離怯弱。地藏菩薩摩訶
薩言。善男子。當知。初學發意求向大乘未得信心者。
於無上道甚深之法。喜生疑怯。我嘗以巧便宣顯實
義而安慰之。令離怯弱。是故號我爲善安慰說者。云
何安慰。所謂鈍根小心衆生聞無上道最勝最妙意。
雖貪樂發心願向。而復思念求無上道者。要須積功
廣極。難行苦行。自度度他。劫數長遠。於生死中。久受

勤苦方乃得獲。以是之故。心生怯弱。我卽爲說真實之義。所謂一切諸法本性自空。畢竟無我。無作。無受。無自。無他。無行。無到。無有。方所。亦無過去。現在。未來。乃至爲說十八空等。無有生死涅槃。一切諸法定實之相。而可得者。又復爲說一切諸法如幻。如化。如水。中月。如鏡中像。如乾闥婆城。如空谷響。如陽光。如泡。如露。如燈。如日。瞠如夢。如電。如雲。煩惱生死。性甚微弱。易可令滅。又煩惱生死。畢竟無體。求不可得。本來不生。實更無滅。自性寂靜。卽是涅槃。如此所說。能破

一切諸見。損自身心。執著想。故得離怯弱。復有衆生。不解如來言說。旨意。故而生怯弱。當知如來言說。旨意者。所謂如來見彼一實境界。故究竟得離生老病死。衆惡之法。證彼法身。常恒清涼。不變等。無量功德。聚復能了了見一切衆生。身中皆有如是真實微妙清淨功德。而爲無明。闇染之所覆障。長夜恒受生老病死。無量衆苦。如來於此起大慈悲意。欲令一切衆生。離於衆苦。同獲法身。第一義樂。而彼法身。是無分別。離念之法。唯有能滅虛妄。識想不起。念者。乃所應

得但一切衆生常樂分別取著諸法。以顛倒妄想故。而受生死。是故如來爲欲令彼離於分別執著想故。說一切世間法畢竟體空無所有。乃至一切出世間法亦畢竟體空無所有。若廣說者如十八空。如是顯示一切諸法皆不離菩提體。菩提體者非有非無非非有非非無非有無俱非。一非異非非一非非異非一異俱乃至畢竟無有一相而可得者。以離一切相故。離一切相者所謂不可依言說取。以菩提法中無有受言說者。及無能言說者故。又不可依心念知以

菩提法中無有能取可取無自無他離分別相故。若有分別想者則爲虛僞不名相應。如是等說鈍根衆生不能解者謂無上道如來法身但唯空法。一向畢竟而無所有。其心怯弱畏墮無所得中。或生斷滅想。作增減見。轉起誹謗。自輕輕他。我卽爲說如來法身自性不空。有真實體具足無量清淨功業。從無始世來自然圓滿。非修非作。乃至一切衆生身中亦皆具足不變不異。無增無減。如是等說能除怯弱。是名安慰。又復愚癡堅執衆生。聞如是等說亦生怯弱。以取

白雲山語 卷第十四
如來法身本來滿足非修非作相故起無所得相而
生怯弱或計自然墮邪倒見我卽爲說修行一切善
法增長滿足生如來色身得無量功德清淨果報如
此等說令離怯弱是名安慰而我所說甚深之義真
實相應無有諸過以離相違說故云何知離相違相
所謂如來法身中雖復無有言說境界離心想念非
空非不空乃至無一切相不可依言說示而據世諦
幻化因緣假名法中相待相對則可方便顯示而說
以彼法身性實無分別離自相離他相無空無不空

乃至遠離一切諸相故說彼法體爲畢竟空無所有
以離心分別想念則盡無一相而能自見自知爲有
是故空義決定真實相應不謬復次卽彼空義中以
離分別妄想心念故則盡畢竟無有一相而可空者
以唯有真實故卽爲不空所謂離識想故無有一切
虛僞之相畢竟常恒不變不異以更無一相可壞可
滅離增減故又彼無分別實體之處從無始世來具
無量功德自然之業成就相應不離不脫故說爲不
空如是實體功德之聚一切衆生雖復有之但爲無

明瞭覆障故。而不知見。不能尅獲功德利益。與無莫異。說名未有。以不知見彼法體。所有功德利益之業。非彼衆生所能受用。不名屬彼。唯依遍修一切善法。對治諸障。見彼法身。然後乃獲功德利益。是故說修一切善法。生如來色身。善男子。如我所說甚深之義。決定真實。離相違過。當如是知。

爾時地藏菩薩摩訶薩說如此等殊勝方便深要法門。時有十萬億衆生。發阿耨多羅三藐三菩提心。住堅信位。復有九萬八千菩薩。得無生法忍。一切大衆。

各以天妙香華。供養於佛。及供養地藏菩薩摩訶薩。爾時佛告諸大衆言。汝等各各應當受持此法門。隨所任處。廣令流布。所以者何。如此法門。甚爲難值。能大利益。若人得聞彼地藏菩薩摩訶薩名號。及信其所說者。當知是人。速能得離一切所有諸障礙事。疾至無上道。於是大衆皆同發言。我當受持流布世間。不敢令忘。爾時堅淨信菩薩摩訶薩白佛言。世尊。如是所說六根聚修多羅中。名何法門。此法真要我當受持。令末世中。普皆得聞。佛告堅淨信菩薩摩訶薩。

言此法門名爲占察善惡業報亦名消除諸障增長
淨信亦名開示求向大乘者進趣方便顯出甚深究
竟實義亦名善安慰說令離怯弱速入堅信決定法
門依如是名義汝當受持佛說此法門名已一切大
會悉皆歡喜信受奉行

占察善惡業報經卷下

助刻芳名

修如


王允京

傅照蓮

查照慈

占察經上下卷願與法界有情同除三障速悟一乘
遵修二觀圓作四佛





十六

十七不見